

摛藻堂四庫全書薈要

集部

欽定四庫全書叢書要

集部

御選明詩卷一百十八

詳校官原任主事臣李斯咏

欽定四庫全書
薈要卷一百十七

集部

御選明詩卷一百十七

六言詩一

劉基

題山水小畫二首

鄂渚輕舟未發瀟湘倦客多愁可恨一江春水無情日夜東流

碧草桃源路斷紫芝商嶺雲深高樹月明啼鴝一聲一

度傷心

題畫竹

葉間重露猶滴林表寒煙未開想今沅湘江上月明環
珮歸來

袁凱

淮安道中

山陽城中細雨廣陵堤上飛花估客時時吹笛行人處
處思家

郊居三首

西舍槽頭溜溜南園鳥弄關關數觥香醪獨酌一樹梨
花半殘

日轉花陰傍戶雨餘山色沿堤一雙蝴蝶對舞幾箇鶯
兒亂啼

荒園處處閒步小閣時時燕居阮籍惟思飲酒嵇康最

嬾讀書

閑步

春園偶爾獨往晚徑蕭然自還芳草煙中冉冉落花風
外斑斑

半雨半晴天氣半開半落山花半醉半醒遊客半村半
郭人家

高啓

甫里即事四首

長橋短橋楊柳前浦後浦荷花人看旗出酒市鷗送船
歸釣家風波欲起不起煙日將斜未斜絕勝岩中剡曲

金齋玉鱠堪誇

唼唼綠頭鳴鬪翻翻紅尾魚跳沙寬水狹江穩柳短莎長路遙人爭渡處斜日月欲圓時大潮我比天隨似否扁舟醉臥吹簫

江上漁郎晚祭津頭估客朝過鐘邊山近水近蓬底風多雨多飢蟹銜沙落斷黠禽映竹窺羅子頭兩槳休去為唱吳儂棹歌

橫網不遮過客渡船時載歸僧炊菰飯勝炊稻米蓮歌

和采菱煙外晚村弄笛沙邊夜店停燈短蓑醉拍銅斗
我亦年來稍能

江村樂四首

荷浦張弓射鴨柳塘持燭叉魚天隨子宅同里陶朱公
祠近居

一犬行隨餉榦羣蛾飛繞繅車江邊女去摘芙蓉城裏人
來賣茶

罟掛漁郎舍外船維酒媼橋邊煙波五湖朝渡風雨孤

村晝眠

日斜深塢牛臥潮落平沙蟹行秋社未開綠醞夜炊初
碓紅粳

楊氏山莊

斜陽流水幾里啼鳥空林一家客去詩題柿葉僧來供
煮藤花

陶祕書廣陵送別圖

暮雨潮生爪步春山樹繞蕪城惆悵離舟欲發江南煙

寺鐘聲

楊基

即景四首

長着短着柳葉深色淺色桃花小橋小店沽酒新火新
煙煮茶

今年去年酒債三月兩月春愁看山看水出郭聽雨聽

風倚樓

東家西家燕飛明日後日春歸多愁多病送客無酒無

錢典衣

桃花杏花紅白蒲葉芷葉參差飛高飛下蝴蝶行去行
來鶯鶯

小景

白雲浩浩秋色碧澗泠泠雨聲坐得松陰過石先生酒
醒詩成

雨雨風風路迷斷橋流水平堤出門苔徑泥滑喚取扁
舟過溪

赤山閑居

抱膝長吟梁父折
晉寧愧鄉兒酒呼
白墮朝飲米雜雕
胡晚炊

濯清亭

半江落日高樹兩岸清
風短莎莫怪滄浪水濁
邇來濯足人多

畫三首

芙蓉江上秋色楊柳隄
邊月明莫教西軒種竹
客中無

奈秋聲

五株樹下待月三板橋頭賦詩童子不知人意櫂歌却怪歸遲

一箇茅亭晚渡數聲啼鳥秋林愛他湖上山色立盡溪頭樹陰

徐賁

記夢

夢裏綠陰幽草畫中春水人家昨夜紗窗細雨銀燈獨

照梨花

送別沈德慶

江聲千里萬里客路長亭短亭後夜相思何處蘆花明

月沙汀

藍仁

題青山白雲圖

茅屋何人共住石林似我曾遊白雲只在半嶺青山誰

到上頭

葉子奇

岳陽晚興

洞庭萬頃秋月君山一點晚煙安得幅巾無事酒船吹
笛江天

暮雨漁村春暝曉霜楓葉秋酣人世花開花落山光湖
北湖南

管訥

墨蘭

楚畹光風曉泛湘皋泣露秋零我欲紉之為佩幽懷挹此芳馨

題墨梅送友人

黃鶴樓中玉笛看花吹徹春聲一別故人何處江南月落參橫

韓奕

雜興

一卷西風落葉半窗斜日殘書年老怕逢人事天寒不

出吾廬

王履

初上山時過上方峯逢樵子余問青柯平尚懸
幾里唯放歌去不吾對及吾下山至石關而數
樵過樵問余來處曾見伐木者否余亦笑而不
答戲賦六言詩高唱而下

昨問青柯遠近長歌一是無聞欲驗朋從何處請君自
上重雲

方孝孺

題畫

茅屋東嶼西嶼白雲前山後山為報溪頭流水落花休
出人間

牧牛圖

谷口驚湍雨歇柳陰芳草春還試問太平樂事夕陽牛

背青山

楊士奇

題鄂渚贈別圖送人歸廬陵

鸚鵡江中紅樹鳳凰城裏青山借問來遊幾日秋水蘭舟獨還

客遊黃鶴磯畔家住金魚浦前心似波間明月隨君先過螺川

胡儼

三臺詞

一陣霜風昨起半窗月影初斜寶匣燒殘香篆銀缸落

盡燈花

坐穩錦茵重疊醉來烏帽欹斜誰遣青娥鬪月自憐銀
海生花

樓上角聲鳴咽天邊斗柄橫斜酒醒風驚簾幕漏殘月
在梅花

王恭

題水墨小景

白鷗門外孤艇黃葉山中一瓢惆悵青雲舊侶相思不

到漁樵

陳繼

遠歸圖

杜宇一聲春盡楊花千里人歸半捲東風羅幕任教雙

燕飛飛

題畫

鳥散江村社鼓花搖酒市風帘曾記踏青歸去香羅著

雨廉纖

郭武

江上即事

潮迴沙岸漸闊雲淨山峯更高扶杖僧歸古寺抱琴客
度危橋

綠水橋邊酒店白鷗沙上漁家山前山後春雨江北江
南落花

魏驥

八月十七日過樂丘道中書所見

碧樹山頭僧舍黃茅林下農家滿坂香秔已實沿籬疎

菊將花

薛瑄

龍江曉望

兩岸青山隱隱一江白浪茫茫煙樹高低城郭風帆遠
近舟航

萬節

漁村夕照

獨漿村西漁艇重門樹底人家夕照平蕪遠近小橋流

水橫斜

張楷

田園樂四首

綠楊樹頭山近碧草門前徑斜閉戶不干俗慮杖藜時
到鄰家

孤棹斜陽水村一犁暮雨平原藤花靡靡落地桑葉陰

陰閉門

清明處處飛雨寒食家家禁煙滿地桑陰獨步半窗花
影高眠

遶砌一灣流水當門數箇長松煙中漁艇朝出雨裏人
家夜春

李仲訓

西皋詞

酒熟黃雞肥後月圓丹桂香時誰道先生無事半醒半

醉題詩

徐有貞

題畫二首

山下雲連山上溪西水接溪東舟渡白鷗飛處人行綠
樹陰中

山路只通樵客江村半是漁家秋水磯邊落鴈夕陽影
裏飛鴉

陳獻章

夜書安南店壁

千里紅塵倦客幾年白髮衰翁野店孤燈夜雨寒房四壁秋蟲

次韻景雲蒼梧往復

朝辭白土低岸晚泊和尚高岡樵唱雲邊細路漁家石角輕航

雲木幽疑絕境江流東見通津蒼梧遠尋仙侶端溪頗恨人情

天地安排蓑笠江湖放浪漁船或者天隨是我斜風細

雨前川

周鎬送白菊乞詩

陶令黃金遠舍君家白玉滿園千古清風廬阜幾叢細
雨江門

微醉不須酩酊半開莫待離披安得季芳與語相思欲
寄一枝

白菊偏宜素髮青山只對蒼顏嘆罷秋香滿腹風吹不
到長安

漫興

風灑數莖白雪月臨一丈青筇餘事歸詩卷裏殘年放酒杯中

景斜瓦枕方食日晏柴門未開五柳前身處士一瓢今日顏回

晨光沿上魚戲夕陽村邊鳥來東鄰小兒識我一日上樹千回

周鼎

雜興

月出山疑欲雪夜涼天易成秋老去還能覓句興來何必登樓

童軒

過濟寧二首

黃鳥春風紫陌白魚新水青蘋借問關東風景何如江左詩情

柳雪驚風白颭桃霞逐浪紅流明日扁舟何處計程應

到徐州

丘濬

秋思

水落淺灘石出霜冷疎林葉丹天外數聲過鴈人在高
樓倚闌

江行

翠竹白沙村逕落霞飛鶩江天倚杖夕陽影裏閑看江
上歸船

劉溥

江上別

相逢蘭渚潮長相送煙江日斜只說儂家好認門前一
樹梨花

相思曲

相別誰知許久相思不道能深一夜五更妾夢千山萬
水郎心

竹枝詞二首

江心濺濺秋影煙外亭亭綠痕帝子祠前別思鷓鴣聲

裏黃昏

微風細雨初至碧水遙天未分借問黃陵遠近江心一

片春雲

湯脩勸

題畫

雲外孤村隱隱風前落葉飄飄疎林遠映山寺獨木橫

支野橋

晏鐸

九峯山行二首

三徑重開書屋九峯舊隱人家欲辨武陵春色溪流泛
出桃花

曲徑沿流上下蒼苔白石磷磷落日惟聞啼鳥空山更
少行人

李東陽

嘉杭道中四首

遠樹依稀極浦清溪宛轉長橋紅裙女子朝汲白髮村

翁暮樵

煙籠近浦沙白雨急長溪水渾一夜江頭潮滿釣船撐
到柴門

綠樹孤村水旁茅屋在水中央歧路寧知車馬生涯半
是舟航

秋風燕子人家細雨漁翁釣槎日暮長安何處萋萋芳
草天涯

吳興弼

和田園樂

冰泮雪消舜日含哺鼓腹堯天南畝萬蓑春雨東皋千

井朝煙

黎擴

漁樵耕牧四首

魚水心情淡淡鷗波身世悠悠清風楊柳一曲明月蘆

花滿洲

窈窈徑穿林下丁丁斧徹雲間耳慣猿驚鶴怨跡窮紅

樹青山

南村北村雨足十畝五畝秧齊帶月肩犁未出催人布

穀先啼

芳草茸茸煖碧烏犍濕濕春肥滿蓑煙雨朝出一箇斜

陽暮歸

程敏政

過南店

陰靄如滋穢麥野風始振枯桑午市方趨南店早行已

屆東昌

池河驛山行二首

隔宿風銷野際登時日出林端牛羊自占坡暖鵝鴨不知水寒

古寺火燒梵塔空壇水沒田塍行人時復駐馬野老適

來負薪

宿遷早發

驛店蕭蕭雨落水村喔喔雞鳴推枕偶然夢覺沿河已

有人行

宿萬山觀

詞客初停塵鞅鍊師相約樓居赤日正過林樾好風時
到庭除

石磴盤迴九折山房小結三間酷暑因風盡掃道心與
鶴俱閑

一派灘聲東去滿空月色西流但覺夢遊塵外不知身

宿山頭

題畫

墟落暮煙相望板橋春漲初平未放漁舟艇子疑聞塔
院鐘聲

張弼

觀泉

山巘高低如繡溪流屈曲無聲幽人閉戶不出門外小

橋自橫

送客

日晚烏啼山樹雨晴馬踏香塵人向紅亭惜別客依芳

草傷春

吳寬

分韻送貞伯

忽對春風南陌還思夜雨西窗高丘恨不千尺望見離
人渡江

題畫

水長鵝肫蕩口花飛鶯脰湖邊吳歌唱徹歸去日暮青

山滿船

儲巏

渡河乘月至保定院中

月出渡口初夜蟲鳴草際清秋菰米未炊客飯柳條已
繫漁舟

暮行河堤無伴月照河水有情前日曾來倦客今宵還

宿孤城

歲久苔連牆牖風高葉滿階除月下誰吹羌笛燈前忽

送家書

鮑楠

舟中

野渡溶溶春水夕陽點點寒鴉欸乃數聲何處行人一
櫂天涯

石玷

六言

密雲欲雨不雨繁杏將開未開日暮小樓凝望江南燕
子歸來

沈周

題畫

花落水流春去草生雨喚愁來一日垂簾獨坐晚晴方
為山開

史鑑

舟中偶成

清澤莊頭釣艇奉先院裏禪牀綠樹數聲啼鳥青山一
抹斜陽

抱琴循水路轉曳杖看山日斜短屐躡殘莎草小橋流
出桃花

即景

綠樹原頭淺草青山谷口飛花記得南湖良夜月明曾

載琵琶

雷鯉

題畫

萬壑小巖飛雪小橋斷岸平溪得句獨騎瘦蹇尋僧遠
過招提

野渡忽橫魚艇長堤直到人家閉戶悄無人事焚香自
誦南華

顧清

六言二首

園林日日春風市喧不到牆東犬臥落紅籬下鶯啼新

綠陰中

遊絲將墮復舉好鳥急過遺音總是少年光景只多往
事關心

許讚

途次即事

坐聽鴈號空月臥聞馬嘶枯萎經慣征途滋味碧山今
管開懷

日暮牛羊下隴風寒鳥雀投林易水馬嘶回首行人幾

欲沾襟

魯鐸

草蟲

淑氣濃熏芳草晴絲不礙飛蟲春色都堪描畫無人畫
得東風

莊居漫興

田間事事雖畢村裏家家未閑唯有東湖隱者但從屋

後看山

陸深

過淮陰

故堞初驚雨歇古祠高枕江流一抹霏微輕靄片帆歸

去清秋

李夢陽

漫興

鸚鵡窺籠百遍癪猴上樹千迴紫燕銜泥入室黃麋齧

草登臺

西海崑丘間苑仙人王子安期春至蟠桃豔秋來弱

水瀰瀰

何景明

江南思寄曹毅之

燈下雨鳴秋舫浦口潮迴暮鐘何處相思不見江南開
遍芙蓉

月冷荒祠苦竹秋清玉殿蒼苔一望雲帆無際沙明白

鳥飛來

細雨寒城催棹夕陽孤嶼鳴鐘到寺莫題蕉葉渡江為采芙蓉

竹淨娟娟帶月山寒宵宵沈暉天邊晚樹獨眺江上春潮客歸

盞厓清明日

客裏又逢令節城中不見繁華南山漠漠煙遠清渭迢迢日斜

獨樹桃花自發高樓燕子誰家可惜年年春色催人白

髮天涯

康海

普緣觀眺次仲默

地僻柳條初綻春深小桃未花草房凹口雲散蒼麥山
頭日斜傍壑數椽僧舍隔溪三老人家龍窟千尋俱水
蒼波四望無涯

觀巖下花柳

雲外小洲飛鷺巖陰長汎宜春萬樹桃花夾水滿天楊

柳迷人

水際碧山如畫原頭輕靄霏煙錦繡平連漢苑繁花隱

勝秦川

王廷相

野興為謝以中作

谷中瀑水流水洞口青雲白雲遮徑飛蘿裊裊隔溪叢

桂氤氳

雨餘臨磽觀漲雲散開門面山啼鳥落花處處先生那

得春閣

江南春思

山色籠煙晚翠江氣盤雲晝陰春前淡迤幽眺天際微茫遠心

過却清明穀雨開遍梨花杏花眼看今春強半王孫依舊天涯

落花闇闇隨水芳草萋萋掩門誰道江南春色能禁風雨黃昏

泛泛蘭舟擷荇嫋嫋頃筐采茶乍雨乍晴天氣半山半

水人家

孫一元

江上

日落不聞人語江空喜動鷗羣散髮弄木蘭楫乘風訪

洞庭君

王崇慶

即事一首

斜日旌歸費老春風茶喫曹家惆悵旅懷何似憑闌莫

問楊花

韓邦奇

再過禡亭

野戍淒淒畫角山城處處寒砧最是秋風羈客不堪暮雨鄉心

戴冠

城南晚眺

淡月朦朧樹杪孤雲漂泊天涯悵望王孫不見城頭過

盡寒鴉

胡纘宗

和康子呂子同往許西之作

早花晚花叢發黃鳥白鳥羣飛咫尺許西亭子客來初
啟山扉盡日徘徊亭上清風明月依依

石山道上

路夾河山千里兩年四度徐州岸岸桃花水漲村村竹

樹雲流

代人贈陳少參

細雨斜風習習桃花春水溶溶玉驄嘶入何處泰山迢
遞千重

楊慎

送客

合尊且醉花間分襟易慘愁顏朝下春風紫陌天涯落
日青山美人明月相望游子浮雲獨還愁見河橋柳色

勞歌一曲陽關

會津門觀江漲望小市人家戲作

渺渺波環紫貝蕭蕭風起青蘋花市寧非海市美人疑
是鮫人眉嫵春山學翠臉疑秋水為神銀漢雙星漫渡
石城兩漿無津

歸田四詠為憲副卞蘇溪賦

春耕

五風十雨樂歲東臯西崦人家水心魚浮菖葉屋角鳩

鳴杏花餉隴青梅煮酒訪鄰綠筍烹茶問津寧知沮溺
祠田但祝汙邪

夏牧

長夏冷風清
晴丹巘綠疇
山高羊羣似蟻
水闊牛背如舟
半幅生煙幕
三腔短笛悠
柴扉歸來早掩
斜陽影在簷頭

秋漁

日出煙消露晞
百丈清江釣磯
船似天邊穩坐
魚若空

行無依
襯靄歌星獨往婆娑舞
月方歸兆熊不夢渭叟

狎鷗久忘漢機

冬樵

城闕軟紅塵遠林巒空翠嵐深丁丁鳥驚斧重霏霏雪
壓檐沈沙明東郭履跡谷響南華足音歸去自換村酒
不須解却貂金

寒朝早起即事

籬頭巢築競發爐心搢拙通紅煨香蹲鴟已熟流澌凍

醴方融小窗一梳新月影在梅花樹東

長干三臺四首

鴈齒紅橋仙舫鴨頭綠水人家邊郎深夜沽酒約伴明
朝浣紗桃葉波橫風急梅根渚遠煙斜

日出秦樓南畔春深宋玉東家簾細眼波易透窗疎眉
語難遮莫問河陽消息不是長安狹邪

絳樹纖腰鬪柳碧玉芳年破瓜波上襯羅回雪風前睡
袖生花自有石城艇子不須油壁香車

二月梢頭荳蔻五更風外楊花殘香尚留翠被餘粉猶沾絳紗樓上曉鐘催起岸邊柔櫓咿啞

費案

田園樂用王摩詰韻五首

錄二首

種樹郊原雨足看禾村塢田斜幾處橋橫野渡一聲犬吠山家

亭榭舊依園竹炎夏自隔林松百畝平蕪野牧一溪深水村春

李濂

春日田園雜興二首

矮屋燕來燕去小園花發花飛鏡裏朱顏漸改山中紫
蕨初肥石几時揮草筆土牆夕挂荷衣客至莫停酒盞
醉來同臥漁磯

白髮春添幾許碧雲幕合萬重柴門延客看奕竹寺尋
僧倚筇天漢橋邊片月禹王臺上疎鐘行處漫留短詠
百年聊記吾蹤

薛蕙

田園樂七首

錄四首

一徑斜陽高下數家流水東西麥隴青青雉雊柴門寂寂鶯啼

稚子自操井臼老農共話桑麻采藥常隨樵客乘籃時造僧家

荷鋤朝耘瓜圃披衣夕偃蓬廬壅裏數升綠酒枕中一

卷丹書

蘿蔓半垂甃牖松陰全覆茅軒數聲雞犬深巷一曲煙

霞小園

李默

偏橋行臺書壁次前人韻

屈曲清溪繞郭逶迤腓草成蹊杖策凌霜楚徼紉蘭擊

汰湘西

程誥

春闌

畫樓紅燭黃昏思婦啼春淚痕楊柳輕煙別院梨花細

雨重門

張時徹

武陵道中即事

歇馬夕陽西下開尊皓月初生正愛庭前樹影忽聞溪上鐘聲

白水亂春沙岸青蘿半掩柴門度嶺長隨鶴馭尋津誤入桃源

田家樂

日落山頭擊鼓風清竹下吹簫茅簷酌酒未了月色林
間漸高

鴈度只在高雲人行不到空谷閑看數點紅梅獨坐一
林青竹

茅舍東方日出鄰家何處朝春黃鸝喚起春睡猶在芳
洲夢中

海近長飛霧雨山深自起朝霞遼屋短長松樹延籬紅

白槿花

籬外人行犬吠樹頭日出鳥驚壁上高懸耕未織麻自
補魚罟

花更落

陸鄉

弋陽道中

石子船頭磊磊溪聲枕上潺潺人行上瀨下瀨夢隔千

山萬山

石文睿

郊行和韻

雲散峯晴海角樵聲牧唱山根客喚潮來石渡鳥翻花落蓬門

林應亮

寺中即景

珠綴泥翻玄燕紺園樹帶殘花長廊鐘度經寂短笛風

吹鴈斜

清磬朝含香閣孤煙晴弄山廚雙樹廢巢獨鶴半巖陰

殿啼鳥

瓜圃盈朝蔓長荳棚過雨花稀習靜何心杜客山風誤

掩柴扉

周復俊

仙池

宮樹秋來雲出仙源花落鳥啼禾陌人迷遠近桃川水

記東西

尹耕

漂母廟

負劍豈無國士行吟何處長安惆悵城陰古廟風吹淮
水瀰漫

御選明詩卷一百十七

欽定四庫全書
會要卷一萬八千六百十八集部

御選明詩卷一百十八

六言詩二

王樵

望湖亭二首

平疇門外春雨遠寺山西夕陽柳暗溪橋輦路水肥種

種江鄉

孤村數家隱樹一曲清流抱山四月城中未有林端黃

鳥關關

徐學謨

漫題六言絕句

東風細雨樓頭兩人相對悠悠掩却朱脣無語留情付

與箜篌

題唐伯虎畫

日下棠陰覆屋門前流水遶渠黃鳥無聲睡去問君所

讀何書

錢鎮

田家雜興

細草行來芳徑脩篁覆處茅菴借問丈人生計薄田自
種溪南

申時行

偶成

池上橫穿小島山間斜倚孤亭靜對游魚戲藻閑看立

鶴梳翎

縹渺雲開列嶂澄空水遶孤亭遠樹重重暮靄疎萍點
點寒星

何良俊

無題

雲儀冉冉朝日碧韻娟娟晚風幾重霧障遙隔一道星
河暗通

金陵弔古

漢季平分三國孫吳元占東方堪笑當時王濬與人閑

管興亡

周處臺前草長莫愁湖上雲深不惜英雄代謝獨憐紅
粉銷沈

李攀龍

郡齋同元美賦得遺字

城上西山黯黯齋中秋草離離風塵微祿相誤疎拙除
書自遺落日故人對酒白雲仙吏裁詩蕭條回首何處
徙倚論心此時

王世貞

游武當山五龍宮

聽雨過青羊澗披雲出紫蓋峯曲曲蜿蜒複道層層歷落怪松嵌巖幾點棘鞠擁殿千朵芙蓉倦時但引三爵睡法不輸五龍

江南樂

亞字城西沽酒桃花塢頭放船春城處處啼鳥寒食家家禁煙榜柂飄來羅帶簾羅拋却珠鉢么童攝客施粉

姹女當爐數錢隙日金鱗擁釣柔風玉鬢垂鞭五陵俠
客空老何似閭門少年

舟行即景

落鴉千點萬點流水一灣幾灣漁燈南垞北垞鳥道前

山後山

阻風黃石磯

桃葉江南江北桃花千山萬山捲簾但看白浪沽酒不
減朱顏

吳國倫

登分署後山小飲

城郭家家厭雨山川面面出雲天畔老夫獨坐閣中野色平分

樽盡萬山垂暮汀深五月如秋薄霧將舒忽卷醉翁欲去還留

李先芳

正心樓賞梅

今歲梅花太晚開時攜酒登樓莫怪三春過半且拚一
醉銷愁絃上空傳白雪夢中如見羅浮歸興濃於詩興
宣州疑是揚州

春日登樓作

長堤芳草初青古廟垂楊幾樹登樓不見山村知在杏
花深處

吳維嶽

孝豐西圩道中

澗泉遠路十里石屋棲雲數家何處微風醒酒溪南紅

杏新花

李言恭

山居樂二首

一徑杳無車馬萬山忽有人家相問不知歲月惟見開

花落花

夜靜白雲鶴睡春深紅樹鶯啼若問幽棲何處胡麻流

出山溪

村晚

山下數聲犬吠村中幾處人歸短笛醉橫牛背斜陽正

對柴扉

沈明臣

芳徑

芳徑不時獨到高樓盡日過從耽看百年喬木緘情一片芙蓉枝弱鴉棲未穩花深蝶睡方濃青眼最憐詞客白頭翻愛秋容

題畫

江頭欲雨不雨水面無風自風日脚倒射江底莎青樹
綠波紅

客次有懷中林諸勝

雅見渡橋西路白公廟畔東鄰竹馬村中賽社土牛郡
裏迎春

江浦棟花鱗上海田麥葉蝗肥十姊妹花開遍梁山伯
蝶來飛

春暖潮生大堰夜涼月出橫塘梅裏黃魚散子霜前紫

蟹輸芒

舊說新豐酒市空傳櫟水菱歌不得青春作伴忍令白
髮蹉跎

王叔承

西湖雜興

看花須近寒食看潮待過中秋二月十五花信八月十

八潮頭

王禕登

茗城雨望

雲生上若下若雨暗茗溪
雪溪牧豎過橋牽犢山翁登
屋驅雞藕花岸邊魚躍桑樹村
裏鳩啼藥裹茶煙禪榻思家病客
悽悽

劉應時

金山道中作

翠壁蒼松古道空山白鶴深林籬花帶風吹帽泉香飛

雨露襟

逕石巉巖縈帶山雲出沒縱橫近水人家犬吠隔溪僧
寺鐘鳴

皇甫汸

泊江口

大別山前暮雨漢陽江口孤舟祇自臨流送酒無因挽
日登樓

于慎行

夏日村居

有竹有山有水宜煙宜雨宜晴欲似浣花溪畔主人背

郭堂成

范謙

九日同年讌集

宦旅風塵荏苒天涯節序頻催霜前白鴈初度雨後黃
花漫開題塔尚懷舊侶登高並集仙才百年此日長健
四海論心幾回

顧大典

金陵懷舊

小岸高樓長笛秋風野寺昏鐘問渡重經桃葉涉江欲

采芙蓉

陳允升

善權洞

山深不見人跡林密惟聞鳥鳴洞裏石牀丹竈松間雲

影樵聲

春日荒村即事

晝靜寥寥犬吠村荒寂寂春暉鴈落平蕪遠近蝶隨花影翻飛

馮時可

石湖漫興

千頃湖流寺左一丘雲護窗前布帆遠隨去鴈碧渚近戲游鮮牀頭綠蟻初泛籬下黃花競妍閉戶無人問字跡趺有客逃禪

幽居雜言

魚眼已翻蟹眼松聲更作雨聲人言酒澆磊塊吾喜若解煩醒

小圃自堪種藥幽溪亦足浣花金尊白墮誰共璧月青天肯賒

劉遼

消上

鶴逐玄蟬上下魚隨花鷗沈浮問道塵中車馬何如此

地消憂

鄒迪光

望亭至滸墅雜書所見

村鼓若遠若近山煙或淡或濃土沃可耕可鑿人安兼
賈兼農

趙南星

六言絕句四首

地僻門無剥啄林深竹有檀欒一壺濁酒自飲竟日蓬

頭不冠

睡起斜陽欲落信步獨往林阜舊日曾看釋典近來懶
讀離騷

昨夜雷聲送雨朝添綠水滿池船尾新來翡翠沙邊久
立鷺鷺

合歡雙樹阿那時有清禽好聲遮莫雲陰晝晦由來昏
曉分明

堂成漫興四首

結構茅堂低小地偏夏日亦涼鄰家幾株高樹為送清

陰過牆

懶轉鶯潛密葉多情蝶訪幽花城上半規日落村中一

縷煙斜

年來燕子稀少不見紅襟可憐瓦雀喧喧無數鬪爭每

墮人前

却掃何須謝客閑居每自垂簾門外不栽五柳恐人知

是陶潛

鄒元標

山居雜興

峯前峯後山寺舍南舍北人家草閣春深酒盞寒江雪
裏漁槎

馮大受

山中

脩篁未舒密葉喬松復長新枝投策林間晞髮磨厓石
上題詩

金陵游樂三首

燕子磯邊月皎牛頭山頂雲開太平堤上走馬莫愁湖畔銜杯

載月秦淮渡口看雲鍾阜山頭題徧南朝古寺醉殺十里紅樓

散步曾經邊笛尋幽自愛棲霞公子西園高會佳人南國繁華

余寅

題便面

洞壑天低萬仞叢枝雨立千章歲月都從寒
次人家半

住蒼茫

楊子庭

歸田樂

不歎塞翁失馬已拚學士焚魚數椽趺坐閉戶一榻清

香讀書

幾家白秫酒熟十月黃梁蟹肥為喜青山強飯更憐黑

髮初衣

何三畏

贈蘇爾宣卜居吳門

金闔南市北市虎阜前山後山天色不風不雨先生獨
往獨還

張壽明

翠屏房

江魚釣罷無市野寺殘僧似村鉏須留行路愛山莫

掩柴門

方應選

茅山贈道士

采藥誤投香澗攀蘿直躡罡風片片紅霞杖底雙雙白
鶴雲中

積翠深沈檜嶺流紅幼兆桃源雨後獮猿學舞雲中雞
犬爭喧

袁宗道

行衛輝野村中即事

茅屋犬卧人邊麥隴鴉啼牛背儻逢種柳先生僕夫停
車少待

袁宏道

七夕偶成

天上一昏一旦人間甲子周年不分黃姑織女夜夜烏

鵲橋邊

兒女紛紛乞巧先生老矣何求不用丐靈鳥鵲唯宜拙

守斑鳩

焦竑

性公自高陽過訪賦贈

千樹萬樹雲嵐舍北舍南煙景高陽有客晨過小徑無人畫暝

舟橫遠浦斷岸鴈度長汀晚霞欲采蘋花相贈澄江冉冉天涯

靈谷寺梅花塢六首

山下幾家茅屋村中千樹梅花藉草持壺燕坐隔林敲

石煎茶

蒼葛林東短牆曾開寶地齊梁初春老樹花發深澗無人水香

落落半橫參月溶溶盡洗鉛華盈盈湘浦解珮脈脈蘿
村浣紗

西湖夢斷人寂東閣雜殘月斜襟解微聞鄉澤鈿辱半
卸檀霞

一枝初出巖阿看盡千林未多天女知空結習散花不
礙維摩

二十四番風信四百八寺樓臺何似草堂梅燕同人先
探春回

陶望齡

塗中雜詩

風塵忽換蒼鬚寒色偏侵紫貂上馬踏一村月迴鞭避
獨木橋

陳薦夫

和閔壽卿扇頭韻

白雲千片萬片草屋三家兩家課僕滋培花藥逢人較
量桑麻

魚鳥羣中作伴煙霞深處為家分與世緣隔絕莫教流
出胡麻

題商孟龢小景

風蕭騷時落木霧朦朧處遠山秋光半澹不澹雲影欲

閑未閑

林景暘

崑山道中

楊柳歌殘楚水梅
花夢繞吳宮往往來
江上風風雨雨舟中寒色全
憑麪友行踪半似漁翁惟有玉峯留客
一螺青黛浮空

范鳳翼

游招隱洞訪懋修禪師

支筇撥將煙路信步誤入雲堆獸窟今來佛窟書臺本
自香臺山高不惹塵坌境僻自閑覩逐玉蕊泉宜枕藉
袈裟地費穿裁下春樵斧未歇上界經磬方催紅葉漫
天花雨碧峯拔地蓮開垂柏清影可憩蹲鵠膩粉堪煨
焚香粗具松果淪茗旋熟秋葵愛此維摩十笏可容徵
士三杯

延令西鄉同夢叟賦

十年不過延令問俗殊異他方處處宜桑宜竹家家乃

積乃倉子鱉鯽魚充市朱櫻綠筍盈筐城子潮同楊子
西鄉景似吳鄉風氣漸隆騷雅人情容得疎狂只餘一
事堪恨名園底事荒涼

吳文企

汎舟碧浪潮二首

紺塔高懸山寺蘭舟不遠人家載出村莊兒女折來楊
柳桃花

小櫂白蘋洲渡輕帆碧浪潮風歸到郡城春望湖山盡

在樓中

阮自華

別徐茂吳

采鷗江干迅速朱樓天上
水淼茫連夜高唐風雨一行付
與徐郎

不向天門走馬只來松舍烹魚
飛得青城寶劍長千露

出芙蓉

熊明遇

東臯即事二首

門外平疇漲綠樓前畸墅鋪紅家本耕田山北人今避

世牆東

紫鯉春潮活活黃鸝夏木陰陰竹下茶爐煙起牀頭酒

甕香深

張鼐

題蔣民部竹徑梅花卷

遲日吾廬閑坐三春一事裁花小苑幾番點綴東君別

領煙霞

題徐成夫畫扇蘭亭圖六首

錄二首

草閣獨依松樹主人長對鶩羣不妨臨池把酒無限青

山白雲

百道泉聲竹裏千峯雨色松間黃鳥催觴新韻白茅藉

客初筵

傅淑訓

題香積寺

平甸草鋪似繡高峯石削如門牛羊十里五里雞犬前

村後村

唐時升

紫筠居

晝永竹陰入戶春深花事滿城尋常幸無酒債夢覺猶
有書聲

幸有棋中敵手曾無鏡裏愁顏案上南華秋水屏間北

苑曉山

題娛暉亭

卷一至十六

負郭家家水竹殘春處處煙花開尊欲栖鳥雀舉網頻
得魚鰯

春霽鞭鋤札札畫長棋局登登行就南鄰酒伴立談北
寺歸僧

風拗藤絲脫樹雨餘柳絮為萍閑居莫來莫往小酌半
醉半醒

鶴喜攜尊新客魚迎散食小僮岡腰暮靄凝碧水面殘

陽漾紅

侯豫瞻東園

鵲巢南簷古木魚唼臨水長條暮靄橫拖匹練春冰薄似輕綃

深林已生宿霧遠樹猶帶斜暉犬吠鄰家社散雞栖學舍兒歸

夏氏池亭

出郭平分浦漱開門別有山川日高竹露猶滴風定茶

煙靄然

長鑱雷後尋爭短笠雨餘種瓜乳雀欲栖畫竹游蜂頻采瓶花

垂楊頻臥頻起落果乍浮乍沈游魚攬翻竹影倦鳥投入藤陰

竹蔭巧藏三伏茶香分入四鄰波間先辨來客石畔長眠醉人

程嘉燧

江上

亂眼江雲飄忽照心山雪徘徊漁舟遲客不發野廟無人自開

立馬嘶寒斷渡居人乞火沿村十步雪迷津閣半空濤

殷山門

許令典

題陳平叔陋巷

狹巷難容旋馬小池也愛籠鵝客來兒子教揖興到老

人自歌

譚元春

園中

柴門未破先關橋木將欹始安夜燭每臨水次午餐多
在林端

得蜀中故人書

蜀川兵定人靜老友天寒信來莫怪草堂深閉小橋邊

有門開

吳伯與

漁父

裊裊江村綠柳濤濤橋邊清濁拋將長網成圍駕去扁舟應手驚開飛鷺浮鷗跳入細鱗巨口得意蕩槳歸來若箇爭先沽酒

蔡懋德

書扇頭送元昆兄歸舍別不歎遠冀相見勿遲
去年九月八日相見正在長沙今年七月方半兩人一

人歸家飄零尚乃如此何時同植桑麻堂有白髮老母
鄰有穀麥可賒歲月與我共此辛苦何似天涯入門且
作歡笑賓朋無酒亦譁問我近來何狀春山近寸粗茶

感時泰

城山六言四首

微雨纔沾麥脚軟風剛報花枝田舍春光幾許江南上
已臨時

禾黍平連遠陌牛羊半下重岡花影垂簾弄色茶煙閣

屋吹香

樵語深林若嘯泉聲隔樹如雷少婦機絲未罷老翁社
飲初回

曲磽魚游碧藻寒莎蛩響千林西舍歸因賣畚東鄰出
為修琴

俞安期

東濠雜興

青谿東九西九白鳥朝雙暮雙結屋何殊柳浪投竿別

是桐江

姚旅

山家

水盡重重客路山開處處人家粉壁斜銜落照朱簾半捲桃花

柏葉麝餐雲暖柳枝鳥踏煙寒稚子出牆看客隔籬犬吠衣冠

汪逸

蘧公池上

園經一雨再雨水接西村北村牧子驅牛避道僧離讓

鶴膺門

吳沛

節憶

蒼鶻肥只計隻白酒賤不論
動歲歲會逢節令人人幾

遇年登

王龍起

春雨村中有懷

惜春長自顰
着獨立階前望
誰幾樹山村杜宇一欄風
雨茶簷苔生滿地
將遍燕入空簾半垂惆悵香銷耐冷
玉樓人去多時

曉起

夜闌遠寺鐘鳴漸漸啼雞有聲起
把疎簾半捲一鈎落月西橫

寒夕

疎林夕照將斜半嶺風吹斷霞無事柴門獨掩庭前幾

樹梅花

雨夕

滿城風雨層層寂寞危闌獨凭牆外梨花亂落黃昏一
點孤燈

秋夕

小窗殘日斜懸葉落空庭悄然簾影無風自舞數聲雞
犬村前

田狩龍

晚登城東望海樓二絕

月出光浮翠巘潮來浪拍晴沙登樓只有王粲颯颯西
風蓼花

刺船知有漁叟小岸微聞櫂歌望斷碧天無際白雲紅
樹秋多

李向中

題旅舍

雲外平林東郡天邊落日西峯悲涼此夕何夕燈火黃

昏店中

朱積

題桃源圖

門外千巖飛雪洞中萬樹流霞山田處處雨足桑柘依
依日斜綠楊渡頭艇子白雲影裏人家春風欲迷去路
惆悵谿邊落花

春閨曲

繡戶斜侵芳草閑庭開遍棠梨朱簾抱愁不捲翠黛無
言自低刀尺年年塞北夢魂夜夜遼西紅顏一去難返
愁逐春風馬蹄

張若羲

孟冬作

莫謂歲寒無友當軒老樹亭亭水面風來自白山頭日
上先青

負郭污邪五畝前村沼沚一灣鳥啄荒畦隊隊魚游湍

水潺潺

天邊鴻鴈雙雙波際鷺鷺一一舉頭仰看行雲轉盼回
思落日

睡熟鳥喧不覺客來我醉欲眠樹色年年如此山光處
處依然

隔溪錦樹初殘對牖臘梅微吐鳥依枝上輕啼花隱林
間暗數

昨夜霜飛似雪今朝霧散無煙坐處白雲滿地起時紅

日半天

梅市人家大隱桃源時節小春禮數山翁簡略懽情野老殷勤

照檻一潭寒月當窗四面微風弱柳千條未綠野燒萬井齊紅

陳繼儒

贈雲麓上人

雲去雲來空谷碧苔暗生茅屋日斜一卷法華坐對飛

泉自讀

贈濂上人

錫杖半隨青席獨宿萬頃寒雲雲氣夜來飛去藤花又
復紛紛

九月一日

籬下黃花堪把城頭風雨初來欲問重陽消息不知何
處登臺

飲虹橋

柳蘸鴨頭春水草分燕尾晴沙莫問旗亭遠近窗前認
取桃花

山中

燕子飛來枕上荷花開到橋西新涼幾番客至永日不
住雞啼

題雲山

雨過石生五色雲度山餘數層時有炊煙出樹中多處

士高僧

宗泐

巖潭道中

古水灣頭漁艇夕陽山下人家風起一溪白浪秋來滿
路黃花

山中小景

四山一片秋色慙客獨坐茅亭渡頭紅葉如雨石上長
松自青

道行

張山人適見訪暮歸口號

隔水茅堂塵靜臨蹊松戶時開煙碧磧邊非草雲白山
前是梅琴為知音一曲酒緣得意多杯今日乘驂且去
明朝帶鶴重來

春日西溪即事二首

雲斷山峯遠遠樹迴溪路斜斜酒旗風颺村店牛衣日
曬田家喚婦鳩藏密竹引雛鴨聚圓沙人晚櫂歌歸去
爭先去折汀花

人家半依沙觜舟子長停岸足楊柳三株五株桃花一
簇兩簇斜陽澹澹牽黃遠水盈盈漲綠老翁忘却投綸
因看晴鷗對浴

題畫

小小板橋斜路深深茅屋人家竹塢夕陰多雨桃源春
暖多花

善啓

十五日桃紅復含宿雨柳綠更帶朝煙分韻

浮世空嗟擾擾逝川莫駐滔滔且從遠老栽蘋肯學劉

郎種桃

夜泊歌邊明月曉行帆送東風峩峩山殿銜碧隱隱驛

樓露紅

德完

十五日桃紅復含宿雨柳綠更帶朝煙分韻

蓬底遠山疊疊船頭新水滔滔煙暖已舒岸柳春寒未

放溪桃

吟處有山有水歸程無雨無風何須竹葉浮綠自喜燈

花吐紅

懷瑾

十六日桃紅復含宿雨柳綠更帶朝煙分韻

獨樹村邊落照短蓬江上回風沙草微含煙碧溪花半
帶雨紅

鐘動錫山驛外帆收許墅橋邊兩岸曉風殘月幾家古

木寒煙

明秀

舟還二首

東家西家看竹南寺北寺題詩欲問出門高興山中猿
鶴幽期

晚筆青山剝語春沙白鷺餘杯兩岸落花芳草滿船明
月歸來

正念

燕京春暮寄山中人二首

鳥鳴不鳴山靜花落未落春遲美人如雲天際芳藥空

留一枝

蠶熟柔桑更綠鶯啼小麥初黃喫餅且隨燕剪繩絲空

憶荆揚

明曠

曉起

幾點星猶在樹成羣鴉已出村最是依微梵火居然掩
映松門

洪恩

冶父山居

亂石砌成茅屋編柴夾就疎籬繩樞草門晝掩任教霧
鎖風吹

風雨杳無人至開門靜裏生涯詩字蒲團經卷燒香汲
水烹茶

十月十五日冶父山中有懷丈庵

東嶺初升皓月西林漸斂殘霞散步歸尋邊筍乘涼摘

到新茶

望亭飯僧作四首

借得人家隙地中藏幾樹梅花旋構數間茅屋欲談一
卷楞伽

隔岸長松疎柳雙溪一片湖光夜聽漁舟共語風吹菱
芡時香

屋後一灣流水門前幾點青山雲去月來橋上鳥啼花
落林間

添得一條略彴如從畫裏行來即此草庵亦可何須百

尺樓臺

法果

山居詩

山田有鳥春種水碓無人夜春隔浦玉幢金刹過橋白
石青松

無心學圃學稼有事不陶不漁倚枕過于倚杖看雲勝
似看書

青天月出几上白日雲生杖頭矯跡不因人避過橋每

著花留

半夜草鳴枯壁六時雲擁繩牀形影自為支許土風別
是義黃

方孟式

雜興

雨後移花種竹冬來掃雪烹茶倚闌輕揮團扇樓上遙
憐落霞

田家樂

松下柴扉靜僻籬邊竹徑清溪菜花蝴蝶一色野雀山雞亂啼

石上殘棋一局松間初試新茶春去不知節候門前楊

柳飛花

荷衣野興初覺歧路風波不知水綠山青自在素書掛角忘疲

采藥白雲深處逍遙流水生涯尋梅不識歸路隔嶺鐘

催碧霞

舟中

蓬窗日高初起坐看長溪釣閑世態紅花白眼人情碧

水青山

秋意

夜來莫驚風雨吹落梧桐滿庭漫道白雲無意河邊遮
却雙星

朱妙端

惜春

挂樹游絲旖旎撲簾飛絮輕狂杜宇喚將春去小桃落盡紅香

董少玉

憶兄妹

秋後梧桐彫落故園兄弟銜杯旅夢三更燭影歸心千
里塵埃

七月寄衣

鴈鴻何處飛鳴滿目蕭條黃草書來先寄寒衣風雨太

原秋早

降道人

探梅

輕舟十里五里殘雪一山半山我意探梅獨往誰教放
鶴先還

金尚憲

九日

黃縣城邊落日朱橋驛裏重陽菊花依然笑客鬢髮又

度秋霜

御選明詩卷一百十八



總校官庶吉士臣侍朝
校對官編修臣莫瞻菉
謄錄監生臣和其聲